



**Quæstionum Canonicarum, In Quinque Libros  
Decretalium, Tomus ...**

In Librum I. Decretalium, Per quadraginta, & tres Titulos distributum, in  
quo agitur De Constitutionibus, Seu Legibus universim ...

**Krimer, Ferdinand**

**Augustæ Vindelicorum, 1706**

§. IV. De usu rescriptorum.

---

[urn:nbn:de:hbz:466:1-73031](#)

pugnare; ita Navarris in consil. ult. de rescript. editione. 2. Layman cit. nū. 13. quia in dict. c. dicitur: *nullum manus, vel quicquid aliud*. Deinde, quod comparatione aliorum laborantium *merces* appellatur, comparatione advocati, honestiore vocabulo *manus*, vel *honorarium* dicitur; sic Layman cit. hinc negatur, quodatum illud non sit *manus*, præsertim cum ille labor sit ex justitia debitus; & delegatus teneat gratis equi, quod utique laboris compensationem excludit. Sed quid, si delegatus munitis oblatum restituat danti, & hic munus sibi redditum, de novo Judici liberalitet docet: valebitne tunc donatio, ut judex lictè retineat? Resp. probabiliter affirmari à glossa in c. statutum, §. 2. quid autem, V. remissione, & Molina cit. n. 14. cum Layman cit. nū. 17. modò id non fiat in fraudem, & delegatus desierit esse Judex dantis; nam *aliud est*: restitutionem mutieris accepti remittete; id, quod annullatur cit. Q. aliud, rem in effectu restitutam denuo donare.

## §. III.

*Quis teneatur solvere expensas executionis?*

1371. **R**esp. quod ei incumbat sumptus præstare, cuius gratia actus exercetur, L. Sed eti. Q. quo autem loco, ff. ad exhibendum. Sumptus autem pro testibus præstare debet is, qui eos producit, L. quoniam, C. de testibus, V. Andreas Gail. l. i. observ. 99. quod autem Judex ex officio facit, non ad partis instantiam, utritisque partis sumptibus expedientium est; ut, cum petit consilia Doctorum, ita Zafius in L. Prior ait, §. Is etiam, ff. de edendo: idem dic de Assessoribus quoad sumptus, qui pro illis sunt, & ex indigentia assuendi sunt à delegato. Si autem assumat eos sine necessitate, Judex ex proprijs debet illis providere, c. statutum, de rescript. §. Assesoren.

1372. Ne autem Notarii ad scribendum assumpiti, cum id genus hominum, ut ait Layman cit. nū. 16. in exigendo salario plerumque rationis metas excedat, jubetur delegatus, prudenter refranare, & nullatenus cum iis, aut Assessoribus la-

crum participare, & secus ad restitutio nem tenetur, non profutura ipsi remissio ab illis facta, quibus restitutio fieri debet, c. statutum, cit. §. Notarium, &c.

Præter hæc not. quæ diximus de sumptibus præstandis à partibus, intelligi,

quando faciendi sunt pro executione rescripti Papalis; non verò delegati ab inferiore, Papâ (v.g. ab Episcopo) etiam ad causam particularem. Tunc enim sumptus præstundi sunt à delegante, cum ad eum ratione officii pertineat causas expeditare, & ideo fructus beneficiorum percipiatur, per c. cum ab omni, i.o. de vit. & honest. Cleric. ibi: cum ab omni specie mali precipiat Apostolus abstinere: sane ad audientiam Apostolatûs nostri pervenit, quod cum ex delegatione nostra causas suscipitis pertractandas: more secularium super decima litis, vel parte alia pro diversa terrarum consuetudine præter expensas victualium cum litigantibus receperitis pignoribus, pro salario convenitis. Nos attendentes, quod ad hoc vobis, & aliis Clericis sint Ecclesiastici reditus deputati, ut ex ipsis honeste vivere debeatis: ideoq. mandamus; quatenus ab hujusmodi exactionibus de cetero abstinentes, vigorrem judiciarum gratis studeatis litigantibus impartiri; non obstante, quod in fraudem à quibusdam proponitur; quod id exigatur nomine assessorum, cum nec justum judicium Judici vendere liceat, & venales sententiae ab ipsis etiam secularibus legibus reprobentur; sic Molina cit. D. 84: num. 8.

## §. IV.

*De usu rescriptorum.*

1373. **Q**uestio est, i. quid dicendum de pluribus rescriptis, simul, vel successivè impetratis ab eodem? Resp. si sint simul eodem tempore data ad idem beneficium, echeri unum, et si inter se nota pugnant, censi oīnho valida; Abbas c. in nostra de rescript. n. 5. idem dic, si successivè impetrata sint sub eadem forma, & tenore, ad majorēm securitatem, gloss. c. ex tenore, de rescript. V. negotio: si autem sint ad diversa, aliqui censent esse tunc in arbitrio impetrantis, uti, quo volunt; gloss. in c. in nostra, cit. V. mentionem.

mem: sed probabilius est, posterius non valere, nisi constet, vel probari possit, priori esse renuntiatum; tum quia secus præberetur occasio fraudibus; tum quia tale rescriptum, cum sit ambitiosum, restringendum est, c. quamvis, de præbend. in 6. ibi: quamvis plenissima sit alia in beneficiis interpretatio facienda: literæ tamen super obtainendis beneficiis impetratae, debent (cum sint ambitiosæ) restringi: & ideo si alicui usque ad certam summam provideri mandamus: ei non in pensione, sed in beneficiis Ecclesiasticis tantum volumus provideri: nisi de petitione in nostris literis mentio habeatur expressa.

1575. Quæstio est. 2. quid agendum, quando Titius impetrat rescriptum pro beneficio sibi conferendo, si Cajus postea super eodem impetrat aliud? Resp. beneficium Titio relinquendum (idem dic de præbenda) si prius; quam Cajus præsentaret suum rescriptum, provisus sit; si vero Cajus prius præsentet, & provideatur, huic relinquendum, c. Tibi, de rescript. in 6. Loquimur autem de rescripto gratiæ conferenda, non collatae. Nam in hoc adhuc Titius est Cajo præferendus, esto hic suas literas prius præsentaverit, c. eum, cui, 7. de præbend. in 6. Unde responsio nostra ex c. Tibi, procedit de rescripto, seu gratia expectativa. Sed hanc respondem nihilominus:

1576. Limita 1. nisi executor mandati pro Titio Collatori intimaverit mandatum sibi factum de providendo ipsi Titio, ei que vigore mandati prohibuerit, ne alteri conferret, prohibitione irritante collationem factam alteri. Tunc enim Titius præfertut Cajo, licet hic literas suas prius præsentaverat, c. Tibi, §. Idem quoque. Limita 2. si rescriptum pro Titio habeat clausulam, ut irritum sit, & inane, si quid contra fuerit attentatum; gloss. in c. Tibi quin imò. V. decretum. Excipe, nisi Titio objici possit notabilis negligentia in suis literis præsentatis, c. Tibi. §. fin.

1577. Quæstio est. 3. quid dicendum, quando Titius impetrat rescriptum pro beneficio sibi conferendo sub conditione suspensiva, & postea Cajus aliud super eodem absolutè? Resp. si Cajus ante conditionis eventum obtineat beneficium, licet postea sequatur, seu purificetur conditio, & Ti-

tio idem Canonicatus conferatur, Cajum Titio esse præferendum; ita statuit c. Si pro te, 13. de rescript. in 6. Nam sic jus Cajj, utpote absolutum, potius est jure Titij. Sed quid in casu, quo duo, vel plures uno eodemque die datas literas imperatrunt, deputatis certis Executoribus de Canonicatu, & præbenda in eadem Ecclesia? Resp. si non appareat ulla alia diversitas, eum esse præferendum, qui prius etiam uno quadrante impetravit; quia ceteris paribus prior tempore, potior jure, reg. jur. 54. in 6. Si autem nec hoc sit, sed uni Papa beneficium contulit, & alteri conferri mandavit, ille præferendus est, licet hic ab Ordinario in Canonicatu jam receptus sit; quia is, cui Papa contulit, propter autoritatem conferentis potius jus habet, c. Si sede, de præbend. in 6. Ubi verò utrique Papa contulit, vel utrique conferri mandavit, nec alia est ratio potior, is præferendus est, qui literas citius præsentavit. Si autem simil præsentent, & ex literis non clarè pateat, quid Papa singulis provideri voluerit, tunc ille præferetur, quem voluerint illi, ad quos spectat collatio, vel saltem eorum pars major, c. duobus, 14. de rescript. in 6.

Quæstio est. 4. quid dicendum, si Titius impetrat rescriptum pro beneficio sibi conferendo; & Papa hoc nullato ad idem rescribat Cajo; Titius verò postea impetrat, ut ad gratiam revocatam restituatur? Resp. nisi Papa in postremo rescripto aliud exprimat, in aseccutione talis beneficij præferendum esse Cajum; quia talis restitutio (nisi aliud exprimatur) censetur fieri sine præjudicio juris alieni, c. quamvis de rescript. in 6. Et notandum, hoc procedere, etiamsi alias in restitutioibus, quæ fiunt ex justitia, vel æquitate, propter læsionem, vim, vel aliam causam justam, restitutio fieri soleat in integrum, ita, ut privatus recuperet omnia, quæ antè habebat, perinde acsi privatus non fuisset, L. 1. ff. ex quibus causis majores; item L. 1. & L. ult. in fine, C. de sent. passis: Si quis tamen à Principe ad gratiam revocatam, & legitimè extinctam restitutatur, non fit ad illam restitutio cum præjudicio juris interca quæsti alteri; quia haec restitutio censetur nova gratia, seu concessio, gloss. in cit. c. quamvis, V. Cum tamen;

lis;

lis; quā intelligitur salvo jure alterius, per  
n. 1544.

1579. Quæstio est. 5. quid agendum, si super  
causa causa impetratis diversis rescriptis  
ad diversos Judices dubitatur, quodnam  
alteri præferendum? Resp. i. si in hoc  
casu una pars Judicium delegatorum alte-  
ri deferat, ut cognoscat, ad quos jurisdic-  
tio pertineat: illos solos, quibus defertur  
cognitio, super hoc dubio debere decide-  
re, an prius rescriptum sit, vel non sit per  
posterioris revocatum, & id, antequam de  
causa principali cognoscatur, c. *Pastoralis*,  
14. de rescript. Si autem neutra pars Ju-  
dicium delegatorum alteri parti deferre  
velit, sive concedere potestatem super hac  
controversia, tunc simul inspectis rescrip-  
tis, eorumque datis definire debent, utri  
parti jurisdictione, seu potestas cognoscendi  
competat: si vero inter se convenire non  
possent, tunc ab utraque parte litigante  
communi consensu arbitri eligi debent,  
qui controversiam definit, c. *Pastoralis*,  
cit. Si causa aliqua communis consensu  
Judicium delegatorum per diversa rescrip-  
ta datorum deciderida sit, non sufficit,  
si major pars absolute omnium delegato-  
rum consentiat, sed requiritur, ut major  
pars delegatorum in quolibet rescripto  
consentiat; sic gloss. in cit. c. *Pastoralis*,  
*V. plures*. Si demum nec per arbitrios  
definiri possit, recurrentum erit ad  
Pontificem; sic Abbas in c. *Pastoralis*,  
num. 4.

1580. Quæstio est. 6. quid faciendum, quan-  
do contenditur occasione duorum rescrip-  
torum, unius in causa principali, alterius  
in causa appellationis? Resp. quod in  
eo casu de validitate appellationis, seu an  
sit, vel non sit legitimè appellatum? co-  
gnoscere beat Jūdex appellationis, non  
autem Jūdex super causa principali, c. *di-  
lectus*, 29. de rescript. ubi, cùm quæstio  
mota esset, an Jūdex super principali, vel  
delegatus super appellatione cognoscere  
debeat de validitate appellationis? Judici-  
bus super principali scripsit Honorius III.  
mandamus, quatenus (si est ita, quod ipsi  
Judices super principali, etiam contem-  
pta appellatione, processerint, invalidam  
reputantes) causæ supersedeatis eidem,  
cùm non vos, sed dicti Judices (delegati  
scilicet) cognoscere habeant, ad quos ju-  
risdictione debeat pertinere.

De variis abusibus rescriptorum, ac pœ-  
nis eorum.

1581. Primus est, si quis rescriptum pro se  
acquisitum cedat alteri ejusdem no-  
minis c. fin. h. t. Porro cessionarius, titens  
tali rescripto, committit crimen *stellionat-*  
*tus*, quo intelligitur delictum commis-  
sum per quamlibet imposturam, seu cal-  
lidam circumventionem, quæ proprio,  
seu specifico nomine caret; Abbas in c.  
fin. de rescript. nū. 8. Nam rescripta ju-  
stitiae sunt jura personalia, nec excedunt  
personas, quibus concessa sunt, conse-  
quenter cedi non possunt alteri per c. 40.  
de offic. delegati, ubi expresse habetur,  
*delegatam jurisdictionem ad personas, non  
expressas in rescripto, etiam de ipsa-  
rum consensu, prorogari non posse*.

Sectundus, cum quis impetrat rescri-  
ptum contra personas, quibuscum nulla  
ipsum controversia est, & sic illas calu-  
miniosè trahit ad judicium, c. fin. cit. Ter-  
tius est, si quis literas impetratas ad con-  
troversiam decidendas, trahat *ad futu-  
ras causas*, quæ tempore impetrationis  
non dum olla erant, c. fin. cit. Quartus,  
si quis impetrat plura rescripta super ea-  
dem causa *ad diversos Judices*; vel etiam  
*super pluribus negotiis*; vel *personalibus  
actionibus*, quæ commodius *coram uno  
Jude* tractari possent, c. fin. cit. & c. di-  
spendia, de rescript. in 6. Quintus, si  
Reus convenire voletis Actorem suum,  
impetrat rescriptum adversus Actorem,  
*ad diversos Judices*, c. fin. de rescript.

Quoad alteram vero partem, de pœ-  
nis abutentitim rescriptis Apostolicis, not.  
duas pœnas jure canonico statutas in eos  
esse. Prima est, ut abutens, *omni com-  
modo* impetrati rescripti careat, c. fin. cit.  
& c. dispensia, cit. & processus, vi talium  
literarum institutus, sit nullus, c. dispen-  
dia. Secunda est, ut ad legitimas expen-  
sas, & *dama* condemnetur; ita in ci-  
tatis capitulis; intellige, si pars passa id  
petat, nisi personæ sint miserabiles; Pir-  
hing cit. num. 159. tunc enim Jūdex  
condemnare abutentem debet in ex-  
pensas, parte etiam non petente, ex  
pietate.